

JARDUERA ARTISTIKORA ZUZENDUTAKO LAGUNTZAK

SARRERA

Euskal testuinguru artistikoaren behatoki gisa, eta arte-lanari datxekion prozesualitatea bultzatu eta babesteko hautemandako beharrari erantzuteko, Eusko Jaurlaritzako Kultur Saileko Kultura Sustatzeko Zuzendaritzak jarduera artistikora zuzendutako 2 laguntza emateko deialdia abiarazi du, **eremuak** programaren bidez (hemendik aurrera, **eremuak**), gaur egun KULTURA GARAIKIDEAREN NAZIOARTEKO ZENTROA SAK (hemendik aurrera, TABAKALERA) kudeatzen duena.

Artisten egitekoarekiko konfiantzatik abiatuta, deialdi honen bidez lagundu nahi da aurretik zehaztutako proiektuen menpekotasunetik askatzeko lan-denbora bat sortzen, oro har, sorkuntza-prozesutik ez datozen errekerimendu guztietatik bestelakoa. Halaber, **eremuakek** elkarrizketa ezarri nahi du onuradunekin, bi aldeentzako aberasgarria izan dadin, eta publikoan eragina izan dezan, **eremuaken** beraren kanalen bidez (webgunea, sare sozialak, jardueren aurkezpenak eta argitalpenak).

Gure ustez, **eremuaken** deialdi jarraituarekiko eta horren espezifikotasunetikiko paraleloan, laguntza berri hauek Euskal Autonomia Erkidegoan (hemendik aurrera, EAE) jarduera artistikoa babesteko sistemaren sarean artatu gabe zegoen hutsune bat betetzeko balioko dute.

Testuinguru horretan egin da jarduera artistikora zuzendutako laguntzen deialdia, oinarri hauen arabera:

OINARRIAK

1. XEDEA

- Oinarri hauen xedea da **eremuakek** deialdia egitea **jarduera artistikora zuzendutako bi laguntza** emateko. Horien bidez, laguntzen iraunaldian zehar eskatzaileek beren asmo-adierazpenean zehaztutako behar espezifikoak estali nahi dira, beren obra garatzeko denbora izan dezaten laguntzeko.
- Laguntza hori jasotzea bateraezina da kontzeptu bererako beste edozein erakunde-laguntza jasotzearekin, eta behin bakarrik eskuratu ahal izango da. Bateraezina da, halaber, urte berean indarrean dauden **eremuaken** bestelako deialdiekin.

2. ONURADUNAK

- Laguntza eskatu ahalko dute jarduera artistikoko lanak egin nahi dituzten pertsona fisiko eta juridiko guztiek.
- Bi laguntzak emango zaizkie, adin aldetik bereizketarik egin gabe, EAEko udalerriren batean egoitza fiskala duten pertsoneri.

- Oro har, alde bakoitzak hari dagozkion zergak bere gain hartu beharko ditu, Espainiako indarreko araudiarekin bat.

3. IRAUPENA

- Laguntzak **bederatzi hilabetez** iraungo du, eta ezingo da luzapenik eman.

4. HORNIDURA

- Laguntza bakoitzaren zenbatekoa **9.000 eurokoa**, izango da.
- Zenbateko horri, bidezkoa bada, dagokion atxikipena egingo zaio.
- Zenbateko horrek barne hartzen ditu bidaiak, ostatua, mantenua, estudio bat alokatzea, materialak, liburuak eta abar erostea, eta, oro har, onuradunak bere jardunerako egokitzat jotzen duen beste edozein jarduera gauzatzeko erabili ahal izango da.
- Diru laguntza bi epetan ordainduko da: lehena, adjudikaziodun bakoitzak epaimahaiaren ebazpena ofizialki onartzen duenean. Bigarren ordainketa 2020. urtea amaitu baino lehenago izango da.

5. BALDINTZAK

- Laguntzak ondoreak izango ditu emakidatik aurrera, hitzartutako aldiaren zehar eta etenik gabe.
- Laguntza behin betiko esleitutakotzat joko da **eremuakek**, laguntzaren emakidaren ebazpena jakinarazi ondoren, horri buruzko jasotze-agiria jasotzen duenean, eskatzaileak laguntza onartu duela adieraziz.

6. ONURADUNEN KONPROMISOAK

- Onuradunek, beren lana garatu bitartean eta aldi oro, oinarri hauen atal guztietako arauak beteko dituzte.
- Laguntzaren xede den asmo-adierazpena gauzatu dute, ezarritako epean, eta lana aurkeztutako memoriarekin bat etorriko da; era berean, ezingo dute eragozpen gisa alegatu aurreko edo ondoko bestelako konpromisorik.
- **eremuakek** eskatutako jarraipen-saioetara joango dira, laguntzak iraun bitartean, elkarrizketa ezartzeko Batzorde Teknikoaren (BT) eta onuradunaren artean; izan ere,

hori da deialdi honen ezaugarrietako bat. Horretarako, estudiorako bisitak edo topaketak aurreikusten dira onuradunaren eta **eremuakeko** BTaren artean.

- Aukeratutako artistek konpromisoa hartzen dute 2020. urtea amaitu aurretik Praktika artistikorako laguntzari aurre egiteko lan-aurreikuspena jasotzen duen memoria bat aurkezteko.
- Onuradunak memoria bat bidali beharko dio **eremuaki**, laguntza bukatu eta hurrengo hilabetean (gehienez ere 2021eko abenduan). Bertan, eskaeran jasotako asmo-adierazpenaren arabera, amaierako ebaluazio bat egin beharko da emaitzei eta laguntzari ateratako etekinari buruz. Horrekin batera, eginiko obren dokumentazio grafikoa edo sortutako lan-materiala, halakorik balego, aurkeztu beharko da. Hori jasotakoan, bukatutzat joko da laguntzaren xede den jarduera artistikoa.
- **eremuakek** eskatzen dion material grafiko edo testuala aurkeztu beharko du, komunikazio- eta hedapen-sistemetan sartzeko, eta eginiko lana jendaurrean aurkezteko parte-hartze errekerimenduei men egin beharko die.
- **eremuakek** abiarazitako jarduera artistikora zuzendutako laguntza haren iraunaldian zehar sortzen diren dokumentu guztietan aipatu beharko da.
- Laguntzaren ondorioz argitalpenen bat egiteko aukera sortuko balitz, **eremuaken** lankidetzat tartean dela jaso beharko da.

7. DOKUMENTAZIOA

- Eskaera eta eskatutako dokumentazioa ezarritako epeetan aurkeztu beharko dira, helbide elektroniko bakarrera bidalita, hain zuzen **eremuaken** helbidera: eremuak@eremuak.net. Mezuaren gaian hau jarri beharko da: "Jarduera artistikora zuzendutako laguntzak 2021_aurkezten denaren izena eta abizena (edo izen artistikoa)".
- **eremuakek** eskubidea izango du dokumentazio osagarria eskatzeko edo hautagaiekin elkarrizketa bat egiteko.
- Aurkeztu beharreko dokumentazioa:
 - Eskaneatutako NANA.
 - Egoitza fiskala EAEn duela egiaztatzeko ziurtagiria.
 - Laguntza baliatzeko motibazio-gutuna edo asmo-adierazpena, behar bezala arrazoituta.
 - Curriculum, egindako ikasketak, jarduera profesionalak, erakusketak, sariak, bekak eta abar adierazita.

- Artistaren lanaren dokumentazio grafikoa, testuala, ikus-entzunezko lanen estekak eta abar biltzen dituen artxibo bakarreko dosierra.
- Datu pertsonalak eta harremanetarako datuak. Ezinbestekoa da helbide elektronikoa bat eta harremanetarako telefono bat adieraztea.

8. HAUTAKETA

- **eremuakeko** BTko kideek osatutako epaimahaiak egingo du hautaketa, eta, egoki baderitzote, hautagaiak deitu ahal izango dituzte beharrezkoa den edozein argibide emateko edo elkarrizketa pertsonalak egiteko. Epaia apelaezina izango da.
- Deialdia ebazteko, honako balorazio-irizpide hauek hartuko dira kontuan:
 - Eskatzaileen alde aurreko obraren edo lanaren interesa eta potentzialtasuna, bai eta haien karrera zein unetan dagoen ere.
 - Praktika pertsonal bat garatzeko konpromiso-maila, curriculumaren, obradossierren eta motibazio-gutunaren edo asmo-adierazpenaren bidez egiaztatua.
 - Praktika motak testuingurua aberasteko egiten duen ekarpena.
- Balorazioa egin ondoren, **eremuakek** dirulaguntza emateko ebazpena emango du, eta deialdian eskatzaileei jakinaraziko zaie.
- **eremuakek** beretzat gordetzen du deialdia hutsik deklaratzeko aukera, baldin eta ulertzen badu hautagaietako batek ere ez dituela betetzen aurreko puntuan deskribatutako gutxieneko interes-baldintzak.

9. EPEAK

- Eskararak aurkezteko epea **urriaren 13an (asteartea) hasiko** da, eta **2020ko azaroaren 7an (larunbata) amaituko** da.
- Erabakia 2020ko azaroaren 25ean, asteazkenean, jakinaraziko da, **eremuaken** webgunearen eta sare sozialen bidez.

10. JABETZA INTELEKTUALA

- Eskatzaile eta hautatutako onuradun guztiek bermatuko dute **eremuaki** emandako dokumentazio grafikoa, testuala eta ikus-entzunezkoak originalak izango direla eta ez dituztela hirugarrenen jabetza intelektualeko eskubideak urratzen honako kasu hauetan: (i) eskaeraren testuinguruan eta, hala badagokio, (ii) proiektuaren exekuzioan zehar, oinarri hauen xede den laguntzarekin batera. Ondorioz, **eremuaken** eta haren

hirugarren laguntzaileen aurrean erantzungo dute material horien inguruan hirugarrenek jabetza intelektualari buruz egin ditzaketen erreklamazio guztien aurrean, eta erakunde horiei kalte-ordainak eman beharko dizkiete, kontzeptu horiei buruzko erreklamazioen ondorioz sor daitezkeen kalte eta galera guztiengatik.

- Oinarri hauek onartzean, onuradunek baimena ematen diote **eremuaki**, edozein euskarritan, hari ematen dioten dokumentazio grafikoa, testuala eta ikus-entzunezkoa erabiltzeko, oinarri hauen xede diren laguntzak hedatzeko eta laguntza horiekin hornitutako proiektua exekutatzeko xede bakarrarekin.
- Aurreko guztiak ez die kalterik egingo aipatutako dokumentazio grafiko, testual eta ikus-entzunezkoaren gaineko egile-eskubide moralei eta jabetza intelektualaren ondare-edukiaren eskubide guztien titulartasunari. Azken horiek onuradunei dagozkie aurrerantzean ere.

11. DATU PERTSONALEN BABESA

- Eskatzaileei jakinarazten zaie oinarri hauek onartzearekin batera baimena ematen diotela **eremuaki** eskaeraren aurkezpenaren unean eta oinarri hauen xede den laguntzarekin hornitutako proiektuaren exekuzioan emandako datu pertsonalak tratatzeko, baldin eta hautatuak izaten badira. Tratamendu horren xedea izango da eskaera izapidetu eta kudeatzea, baita esleitzen diren laguntzak baliatzea eta laguntza horiekin hornitutako proiektua hedatzea ere.
- Aipatutako datu pertsonalak erakunde eta organismo publikoei jakinaraziko zaizkie, baldin eta horretarako betebeharrak legalak baldin badago. Halaber, eta 12. klausulan xedatutakoari jarraikiz, laguntzen onuradunen izena eta irudia hirugarrenei jakinarazi ahalko zaizkie jakinarazpen-sistemen bidez, edozein euskarritan, **eremuakek** oinarri hauen xede diren laguntzak hedatzeko eta haiekin hornitutako proiektuaren exekuziorako erabiliko baititu.
- Testuinguru horretan, nabarmentzen da datu pertsonal horiek aurkeztea beharrezkoa dela; izan ere, datu horiek ez badira aurkezten, laguntza-eskaera eta deialdiko parte-hartzea ezingo dira kontuan hartu.
- Eskatzaileen datu pertsonalak hautagaitza baloratzeko beharrezkoa den denbora-epean zehar gordeko dira, eta, hala badagokio, laguntzen esleipena eta erabilera kudeatzeko. Horrez gain, kontuan hartuko da **eremuaken** betebeharrak legalak betetzeko beharrezko kontserbazio-denbora gehigarria.
- Edonola ere, eskatzaileei eta onuradunei jakinarazten zaie honako eskubide hauek dituztela: (i) euren datu pertsonalak atzitzeko eskubidea, datuak zuzendu edo ezabatzeko eskubidea, tratamendua mugatzeko eskubidea, datuen eramangarritasuna eskatzeko eskubidea eta tratamenduari uko egiteko eskubidea, komunikazioa@eremuak.net helbide elektronikora zuzendutako idatzizko eskaera

baten bidez; (ii) Datuak Babesteko Espainiako Agentziaren edo beste edozein kontrol-agintaritzaren eskudunen aurrean erreklamazio bat aurkezteko eskubidea, bereziki eskubideen erabilerarekin ados ez egotekotan.

12.- IRUDI-ESKUBIDEAK

- Oinarri hauek onartzearekin batera, hautatuak izango diren onuradunek baimena ematen diote **eremuak** honako hauetarako: (i) baliabide tekniko egokien bidez haien irudia erregistratzeko (argazkiak, bideoak, etab.); (ii) irudi horiek eta izena **eremuak**en webgunean eta beste edozein euskarritan, bai fisikoa eta bai elektronikoa, erabili eta erreproduzitzeko, bere kontrolpean edo hirugarren laguntzaileen kontrolpean. Horren xede bakarra izango da oinarri hauen xede diren laguntzak hedatzea eta haiekin hornitutako proiektua exekutatzeko. Baimen horrek izaera ezeztagarria du.

www.eremuak.net

BIDALI ESKAERA HELBIDE HONETARA:

eremuak@eremuak.net